

मनड़ो म्हारो घबरावे

मनड़ो म्हारो घबरावे,धीरज भी छुटचो जावे, दीज्यो सहारो महाने सांवरा
आँखड़लिया भर भर आवे,जद भी तू देर लगावे
नीले चढ़ आज्यो म्हारा सांवरा
दीज्यो सहारो महाने सांवरा.....

थारी किरपा से बाबा जीवन गुजारा जी
विपदा जद आवे कोई,थाने पुकारा जी
थारो मूलकतो चेहरों, आख्या के आगे फेरो
धीर बँधावो महारा सांवरा
दीज्यो सहारो महाने सांवरा.....

जग में हंसाई म्हारी मत ना करवाओ जी
थारा ही टाबरिया हा आके जगा जाओ जी
भीगी आंखड़ली म्हारी,जोवे बाटड़ली थारी
संग में दिख जो थे म्हारा सांवरा
दीज्यो सहारो महाने सांवरा.....

बीती सुनावा थाने,अर्जी लगावा जी
गलती की माफी बाबा थारे से चावा जी
जितना रुलाओ महाने,जितना तरसाओ महाने
टाबर में थारा ही हां सांवरा
दीज्यो सहारो महाने सांवरा.....

थोड़ी घबराहट जी में, थोड़े अंधेरो जी
हारेगा कोणी बाबा इतना तो बेरो जी
प्रीतइली थारी म्हारी, पड़ जा सी सब पर भारी
अंश करे हे आशा सांवरा
दीज्यो सहारो महाने सांवरा.....

लेखक : डॉ.विजय कुमार केडिआ बीरगंज

Source:

<https://www.bharattemples.com/mando-maharo-gabrave-dheraj-bhi-chutyo-jaawe/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>